



正德武功縣志

(明) 康海 纂
(清) 孫景烈 評注



六年（一七六一）瑪星阿刻本影印。

本書三卷首一卷，據清乾隆二十

新刊康對山先生武功縣志序

自對山康先生著吾武功志七篇世之讀者莫不稱善予讀斯志數十年好之甚篤竊謂先生實史才以史才而見於邑志宜其志之法扶世教正人心埒於良史而傳之獨可久焉豈以文哉然豈不以文哉或謂先生史官也故以史體為志體是第見其官師篇美惡並書別於他志而於七篇無筆非史法者殆未之悉耳夫志之與史偶殊者體也而無不同者法也有其才則有其法體之同否可盡拘歟先生作志時解史局已十載試觀

武功縣志

序

七篇中地理建置祠祀田賦選舉五者視史體復何殊惟官師人物義不當假史官褒貶之權而官師人物之列於前史如酷吏趙禹毛若虛其行又誰能隱之即明代官師亦自有不能為之隱者劉先生之於美惡並書非僭也然非後人所易效至於明代科貢人物有褒無貶與史體略殊者在茲故曰志者史之餘也涇野呂氏云康德涵漢馬遷之才學之博猶未逮此為深知先生語學者不知遷史之法為知斯志之即史知遷史之法而徒事摹擬者亦烏知斯志之為史法史才而不襲遷

史之貌耶於乎善哉已仕者讀之可以識政未仕者讀之可以勉學而沾丐所及則更有資於攻文者可由此而問龍門之津也斯誠邑乘之極則已原刻無藏者翻本多豕亥相淆而予尤病其失作者本色嘗從事校讐欲復先生之舊近得張子萊峰所藏善本與他刻相參爰正其訛謬闕其所疑而又以素所管窺者妄加評點而略註之自知謏劣不足測斯志之妙遠亦聊記予數十年讀之之功俟後之讀斯志者因予說而細論焉原序二跋一新增趙子函序一諸家評語附序後命次子

武功縣志

序

二

續錄而存諸篋時已卯歲夏五月也今年秋七月明府敬齋瑪公刻先生集方竣即欲續刻斯志予重明府留意於斯而非若予之徒好其文也遂樂與再為訂之而請正於世之同好者

乾隆二十六年辛巳九月丙申邑後學孫景烈書

新刊康對山先生武功縣志序

夫邑之有志猶歷代有史也邑志之有前明康殿撰對山武功志猶歷代諸史之有司馬氏史也對山蓋以史法為志法者讀遷史則知斯志之善矣然此特論其文而經濟之學實載於中未嘗以文掩予自弱冠時即聞秦多名志而對山武功志人皆推為第一書丁丑秋奉

命來邑取其志讀之僅七篇初疑為簡竟讀始知其不可增地理自有邵氏肇封迄於勝國數千載沿革

武功縣志

序

與夫川原古蹟不俟煩言歷歷可考顧以風俗終始謂移易者責在邑長爾志建置次第井然官署外獨於學校興復加詳長斯邑者得不視為急務歟事神為治民之典故祠以祀之有修葺必書示主祀者知所敬也若夫地闢民聚賦役有經而官忘撫字吏肆貪求豪強任所低昂物產因而虧竭民力奚支言之洞然惻然使人一披覽傷懷者田賦志也思深哉是篇親民之官尤宜三復官師志善惡並列足為勸懲令讀者慕且懼焉斯非當官

之炯鑑耶人物選舉二篇可互觀至其賢才輩出科第聯翩必歸諸政教則言外之意可思矣要之七篇義法原於龍門而經濟名言胥關治理於乎此志之所以善哉予庸學無能叨荷

聖恩簡用承乏名區五載於茲自慚碌碌報稱何由每讀斯志法戒分明知為切要之編可借以策其未逮所憾魚魯混淆更或點竄動移失其本色耳在籍太史孫酉峰先生覓舊刻細為校讐正其謬闕其疑加之評註有年矣而志之善乃益章焉予求

武功縣志

序

二

觀之遂付梓以公諸同好者當不徒取其文而遺其所載視為飾輪轅之虛車也

乾隆二十六年辛巳重陽前一日知武功縣事長白瑪星阿書

武功縣志原序

予嘗兩至武功涉漆鈞漳陟雍邱遊鳳麓渡渭而尋太白終南之奇北顧九嶷諸山則見碧流襟帶翠巘揖讓珍木蔚蒼瀨光組繡風氣翕乎四來龍虎儼而交應未嘗不臨景命筆而羨斯地之勝也及予訪后稷之墟覽唐太宗之舊問蘇子卿之裔參張橫渠之象誦康尙書之勲然後知斯地之效而對客談山言未或忘之夫美稼不發境塿修松不挺培塿斯已然矣若乃楨高而築堵不繼表正而式影弗端則求諸嗣有政教者焉夫后

武功縣志

卷首

一

稷政之祖橫渠教之宗官無后稷之心者皆忍夫師無橫渠之志者皆貨客如仁義之有託卽政教之咸興繫茲人物有不恆茂者乎雖然政不必皆官識法者卽可立教不必皆師見道者卽可端故王烈之政亦行太原綿駒之歌能教齊右武功之志凡以憂夫此也志七篇地理約而不漏建置則而有據祠祀先今而後古田賦先古而後今官師直書而勸戒自形人物之志浩乎其無窮也君子於是乎思古於是乎徵今於是乎開來其志已勤矣選舉崇義而黜利蓋志之良者也學者觀其

志目亦思過半矣是志也撰之者吾友康子德涵刻之者邑侯西蜀馮玉仲則斯政教也爲有歸矣正德己卯冬十一月甲寅涇野呂柟書

武功縣志

卷首

二

武功縣志原序

武功康子作志七篇以記載武功之故緒理要會蓋然明備矣至其覈事顯義用昭勸鑒有可述焉夫先王之政紀其山川辨其疆域程其土宜稽其俗尚肆其采物以謹封守而察時變故書敘九邱詩陳列國採風者具其美惡董事者正其得失務在因道財化追俗為制以施于久遠已爾夫天下之勢其所由來亡不有漸苟非蚤見而力救之則其勢莫可回而患成循約而治厚生而安其始未嘗弗一致迨于風尚澆淺而德實靡波

武功縣志

卷首

三

其治不可長也戶口繁增而生利蹙薄其安不可久也可以弗慎其漸哉余覽康子之書其地畝則由狹而廣戶口則由寡而眾賦役則由省而興財費則由約而靡其業產則由富而貧地利則由饒而減民性則由強而弱風俗則由厚而漓吏治則由良而奸人才則由實而虛文教則由振而委亡弗降本流末廢正趨弊者矣嗟乎豈獨一邑然哉由此可以例諸四方矣正德十四年己卯冬十二月五日大復山人汝南何景明撰并書

重刻武功縣志序

昔在漢蕭相國入秦先收圖籍說者謂圖籍即今中祕書而余謂不然三代詩書已盡付祖龍之災安所得中祕書而收之秦所有圖籍不過山川道塗之廣狹郡國人民之增減紀綱風俗之上下然則今志之類耳蕭相國汲汲于此以輔成四百年之治魏晉而後皆不能及則相國之識周也相國所收之圖籍竊以為與今之志又異古之志非狐之直邱明之核不以操觚故其文多可存者而今之志博雅不足其弊俚褻貶無當其弊妄

武功縣志

卷首

四

甚者狂心謾舌聚訟紛紜倘令在漢不足以當蕭相國之一盼而又何收焉明興百有餘年人文蔚起當弘正時有康先生德涵為首倡顧獨偃蹇削籍以死而以其華袞斧鉞之權寄之武功之志然則康先生之志即古之良史不是過也康先生亡而康先生之志愈益著評者至謂為今郡邑志之最而板本雖存不無遺蠹之恨又其後百有餘年而許侯實來遡漆水循雍原弔康先生之里而首求康先生之志慨然表章之然則許侯之刻康先生之志即古之良相又不是過也夫今天下有

一統志諸省有通志諸郡邑亦各有志作述代興莫不家董狐而人左氏而歷世未久銷亡幾盡顧安得爲志者皆如康先生今天下之縮綬而稱長吏送往事屛縑塵絡繹其遷者侈稱潁川其謫者咨嗟卽墨而核其圖籍百不舉一顧安得爲郡邑者皆如許侯以是采之太史上之相國于以觀其山川道塗之廣狹稽其郡國人民之增減攷其紀綱風俗之上下以襄成聖天子之治比隆炎漢而後知康先生生與許侯兩人相遇不虛耳余不敏竊慕康先生久矣而又與康先生之孫禹民萬

武功縣志

卷首

五

民友善因得論著其意以示後之讀康先生之志者蓋屋趙岫撰

諸家評語

胡可泉序甘肅志曰今之州郡古國也今之志古史也而可他擬乎況編年乎而何以訓乎觀康太史志武功童太史志沔陽猶存史體可放也

邑令相蓮石邦教曰七篇文簡而明事覈而要且其義昭勸鑒尤嚴而公鄉國之史莫良於此志矣

王阮亭蠶尾集新城縣新誌序云以予所聞見前明郡邑之誌不啻充棟而文簡事覈訓詞爾雅無如康對山誌武功其他若王漢陂誌鄆呂涇野誌高陵韓五泉誌

武功縣志

卷首

六

朝邑喬三石誌耀胡可泉誌秦趙浚谷誌平涼孫立亭誌富平汪來誌北地劉九經誌郿張光孝誌華其地率秦地其人率秦人也故予嘗謂前明郡縣之誌無愈秦者以其猶有黃圖決錄之遺焉

阮亭又曰近世志書能文簡事覈訓詞爾雅無如康對山之武功志次則王漢陂之鄆志呂涇野之高陵志韓五泉之朝邑志喬三石之耀志胡可泉之秦志趙浚谷之平涼志孫立亭之富平志張光孝之華志皆秦人皆比美於對山者

阮亭跋朝邑誌云韓五泉朝邑誌與康對山武功誌並稱先輩稱為巨麗

阮亭池北偶談云康德涵武功官師志學柳子厚先友記柳作獨孤申叔墓碣末載其友十三人姓氏與先友記同一奇格

宋牧仲題對山武功志卷尾詩有簡潔居然並馬班之句桂林陳榕門云對山武功志文簡事核凡所紀載悉關國計民生人心風俗確乎可傳可為志乘之極則

武功縣志

卷首

七

武功縣志目錄

游西山人康海撰

邑人孫景烈孟揚評註
長白瑪星阿景謙參訂

卷之一

地理第一

建置第二

祠祀第三

卷之二

田賦第四

武功縣志

目錄

官師第五

卷之三

人物第六

選舉第七

夫志者記也記其地理風俗人物之事也武功志余竊君子長公蓋嘗述之然縣官掌故弗嚴人匿之矣余於是卒成先人之志略序撰之凡山川城郭與風俗推移皆地理所具作地理第一官署學校及諸有司所興行皆建置之事作建置第二治民人者先其神故祠祀與

焉作祠祀第三有田則有賦有身則有役田賦之政國
所重焉作田賦第四疆域人民非官不守禮樂教化非
官不行作官師第五文獻之事邦邑所先以稽古昔以
啟後賢作人物第六科貢制行士繇以興作選舉第七
凡七篇

武功縣志

目錄

二

武功縣志卷之一

地理志第一

夫武功古有秦氏之國也有秦氏有女曰姜原為帝嚳
元妃生棄教民稼穡有功堯封于秦號曰后稷后稷卒
子不窋嗣不窋末年夏后氏政衰去稷不務乃奔于戎
狄之間周興為岐豐之城平王東遷賜豐鎬于秦秦遂
為秦邑至始皇列天下為郡縣以秦為秦漢改武功縣
隸右扶風去古秦城二十里王莽曰新光東漢復徙古
秦城魏置為武功郡領美陽縣晉改屬始平郡後魏復

武功縣志

卷之一

一

為武功郡周改雍州武帝建德三年復置武功郡治郿
城已而復為縣隋改隸京兆郡唐武德三年改置稷州
以武功好時蓋屋郿鳳泉隸之尋又析始平置扶風縣
四年以岐州圍川隸之七年又以隸岐州貞觀元年隸
雍州天授二年又置稷州領武功文明元年析以奉乾
陵乾寧二年以奉天置乾州領好時武功蓋屋醴泉而
屬京兆府後唐同光中隸鳳翔長興元年復立京兆而
以武功隸焉後晉置武功郡後周復改為縣宋隸永興
軍路京兆府政和八年同醴泉移隸醴州金改武亭縣

元復為武功隸乾州明興因之而通屬西安府廣四十
五里袤五十里東與平東南鄂南蓋屋西南鄂西扶風
西北麟遊北乾州東北醴泉城圍三里二百二十步半
附雍原之麓元末張良弼李思齊增築以據守者循原
又列十有二城洪武九年長興侯弟都督忠奉詔屯戍
于此以控制關內復增築之諸城皆至今存舊志云雍
州之域井鬼之次有平原控其東鳳岡翼其西長川帶
其北終南太白揖其南蓋古形勝之區強武之國也治
凡十五里里名見建置志社學下

武功縣志

卷之一

二

有釐氏國說文炎帝後姜姓所封不窳括地志不窳故城在慶州弘化縣南
三里窳音台列天下為郡縣屬內史以釐為榮後漢地理志
亭入聲日秦是漢改武功縣元和志云武功秦孝公時置
柴縣後省柳子厚云秦作四十一縣隸右扶風按前漢地理志右扶風新魏置
郿美陽武按前漢地理志右扶風徙古釐城寰宇記東漢省釐縣自魏置
國志永平八年復武功縣徙古釐城寰宇記東漢省釐縣自魏置魏置
武功郡按魏武功縣屬扶風郡後魏扶風郡領縣五
寰宇記後魏移美周改雍州無考周書武帝天和元
陽於故郿城中周改雍州復為縣寰宇記周
人復置武功郡按隋書周置武功郡復為縣寰宇記周
別立武功縣見唐地理志隸岐州唐書云以
於中亭川木作國川誤隸岐州唐書云以

置稷州唐書天授二年置稷州大足元年州廢金改武亭金志以顯泉
亭長興侯名炳

舊志有山原七川六太乙山屬蓋屋太白武功兩山與
襄谷水屬郿五丈原屬岐三時原屬扶風故俱不復載
載其今有者
東原在縣東其南與雍原相直或曰通西原皆謂雍原
云
雍原即縣西原城所附者古周原也鳳岡者原北行岡
也

武功縣志

卷之一

三

武亭川縣川也其南十二里古川口蓋漆水川也
通鑑武亭川註川在漆渭交合處
漆水縣東門外水今謬為武水者也自幽岐之間來縣
北受浴水南受漳水入渭鄭漁仲序地理略謂天下如
指諸掌而信漆由富平入渭之說蓋括地志未審幽岐
涇渭脈絡所在富平在涇東漆在涇西安有岐梁之水
越涇而東再至富平始入渭也漁仲誤且如此況其餘
乎詩曰白土沮漆漢書曰釐在漆縣今郿同與釐封里有
漆村是也

按縣漆水源出舊普潤縣西青青山下經麟遊合岐
杜諸水下好時至黃家堡入縣界 漁仲名樵蒲田
人宋趙功郎學者稱夾漆先生著述
志 前漢地理志漆沮水在縣西

浴水乾州西夾道水也亦從幽西梁山來意此或即沮

水關西人讀浴若于于沮固易訛爾漁仲亦以東自富

平入涇殊誤

按乾州西夾道水名漠谷音莫欲訛云沐浴漠谷水
出永壽麻亭嶺經乾州西南三十里行夾谷中至董
晁村入

縣界

涇水即圍川水自扶風東門外受鳳泉水至縣南從漆

水入涇

武功縣志

卷之一

四

建子溝在縣南十七里近慶善宮

唐太宗
懸弧地

美陽故城在縣西原八里後漸徙鳳泉東則今扶風境

內也

古檠城在縣南八里漆村東古有檠氏之國也今縣西

南三十里亦有檠城者前漢徙置之爾

史記正義曰故雍縣南七里故檠城一名此
功縣又曰故檠城在雍武功西南二十二里

高泉宮在古美陽城秦宣太后宮也

宣太后秦
昭王母

慶善宮在川口東南今沒于渭唐高祖故宅武德六年

改名慶善宮太宗所生宅也貞觀六年幸之宴從臣賞

賜閭里同漢沛宛帝歡甚賦詩曰壽邱唯舊跡豐邑乃

孤亦在茲弱齡逢運改提劍鬱匡時指麾八荒定懷柔

萬國夷梯山咸入款駕海亦來思單于陪武帳景逐衛

文螭端辰朝四岳無爲任百司霜節明秋景輕冰結水

涇元黃遍原隰儲峙積京坻共樂還誰燕歡此大風詩

起居郎呂才被之管絃爲功成慶善樂名九功之舞十

一年冬獵于武功賦冬狩詩曰烈烈寒風起慘慘飛雲

清流金鞍移上苑玉勒騁平曠旌旗四望合置網一面

求楚路爭虜殪秦亡角鹿愁獸忙投密樹鴻驚起沙洲

意欲原塵靜戈迴嶺日收心悲洛泗逸因再幸慶善宮

武功縣志

卷之一

五

上更賦詩曰代馬依朔吹驚禽愁昔叢况茲承睿德懷

天下治端拱車書同白水巡前迹丹陵幸舊宮列筵歡

故老高宴聚新豐駐蹕撫田峻迴輿訪牧童瑞氣縈丹

闕祥烟散碧空孤嶼含霜白遙山帝又有過武功舊宅

帶日紅於焉歡擊筑聊以詠南風

詩二篇許敬宗上官儀應制奉和焉今悉著于篇可以
親見當時之盛云帝詩其一(一)新豐停翠輦誰能駐鳴笳
水昔樹發今花一朝辭此地四海遂成家其二(二)金輿巡
白流玉輦駐新豐朝辭此地四海遂成家其三(三)金輿巡
蔓流竭半池空紉佩蘭凋徑舒珪葉翦破叢庭鋪荒草
今宅九圍中架海波澄鏡鞘戈器反震表青光白爾家
勞歌大風微宗詩飛雲臨紫極出震表青光白爾家
海今茲反帝鄉情深感代國樂甚宴誰方白水浮佳氣
黃星聚太常參鳳鳴層閣鄧雀賀離梁桂山猶總翠
薄尚流芳萃麟有遺皓沐德怵稱觴儀詩石關清曉夏

旋輿御早秋神麾颺珠雨仙吹響飛流沛水祥雲泛苑
郊瑞氣浮大風凝漢鏡叢烟入舜球翠梧臨鳳邸滋蘭
帶鶴洲偃伯歌元化惠蹕頌王宮後又改爲慈德寺史
遊道簪謬詔獎珥筆荷恩休

逸其年今寶村北仍有寺名慈德蓋沒而遷者也

蔡亭在縣西南三十里漢地理志載亭長事者也東漢

徙縣古蔡城而以為亭也今屬扶風縣

後漢王仲字少林除郡令到官至蔡亭亭長曰亭有
鬼不可宿也仲入亭止宿夜中有女子稱冤明日召
游微詰問伏辜見獨行傳

高望亭在縣東二十五里唐天后武氏行宮世說中宗
築以望乾陵者

武功縣志

卷之一

六

綠野亭今在縣南郭東外爲宋儒張子子厚寓所張子
與武功簿張山甫厚故武功弟子因從子厚遊亭此講
學焉弘治八年冬戶部尚書沁水李瀚時以御史巡按
至諸生以白御史御史迺謀于提學副使今少傅吏部
尚書楊公一清楊公以知縣學通有良治能用其民一
以責學通踰年乃成改曰綠野書院擇師授徒文教彬
彬然勃然興焉書院前爲堂祠祭子厚而後建講堂學
舍故禮部尚書吳文定公寬有碑碑曰關中自大儒曰
盛以道學鳴于時君子以其德尊與孟子比夫自堯舜
至于孔子率五百歲而道一傳孔子沒而道無所屬此

武功縣志

卷之一

七

孟子之自敘而其自任之意亦可見也至昌黎韓氏以
軻之死不傳則直歸之孟子然至其時已千歲矣
所謂以其數則過矣者而秦漢以下儒者亦多而日不
得其傳則孟子豈易比哉自唐至于宋又五百歲始得
濂溪周子河南程子先生實並時而出而君子獨以先
生比之孟子雖程子亦推稱之則其人品之高豈非振
古豪傑之士哉故當是時學者爭師宗之入至于今過
其地仰其人肅然起敬不能自己武功爲西安屬縣城
南有綠野亭先生之遺跡也蓋先生少時學尚未醇及
至洛中見程子論易自以爲弗及乃遂西還以與學者
講究後既出仕於朝他日治獄外郡而還即移疾屏居
南山下以事著書蓋史之所記大略如此綠野之跡豈
其西還與屏居之時乎陝西提刑按察司副使楊君應
寧由近臣出領學政公勤善教士子經指授者輒取科
第君曰此非所以教學者也嘗行縣顧瞻山水明麗可
愛所謂綠野亭者歲久既毀而遺址猶存先賢風旨宛
然如見始謀即其地構屋以祠先生別爲屋俾士子講
習其中庶幾仰止景行之意諸生聞之相與感激言于

巡按御史李君叔淵叔淵雅重風教乃下其事于君君
以縣令宋學通嘗復古廢祠亦知急先務者復以事委
之學通方經度財用而邦人士咸樂相助數月而功畢
名之曰綠野書院擇士子充于其中而以縣學訓導趙
文傑爲之師俾日講性理之學凡縣學諸生則三日一
至聽講其規約大率與白鹿鹿陽類未幾若西安鳳翔
諸生聞風就學者踵至君時坐堂上躬督勸之風灑乎
道學之流行也君既喜其志之成間以書請記夫養士
于學校取士于科第此固朝廷今日之法然學校之所
講習者皆經傳之精微欲用其人特以科第取之耳爲
士者昧其意以聖賢之言止用其資爲利祿之計而不
知道與法之不相背也今幸賢憲臣有見於此其心可
謂至矣使今之領學政者皆如君之用心風教其不變
也乎雖然聖賢之言學者於此無弗當講者而橫渠先
生尤吾今日輩比之師也其書則正蒙西銘具在因其
言求其心反之於躬見之於事而又謹其文循其以
禮爲教之規拔于流俗爲世醇儒此固賢憲臣所望于

士子者也于是取科第出為世用以行其所學賢憲臣之意亦豈為士子禁哉書院建于弘治九年六月工畢于是年十二月明今去改建才二十三年矣其廢壞已年十月癸未記

十四五況久遠乎綠野亭故在漢義勇武安王廟後稍

北原岸下有古洞成化末猶傳有石刻亭記居民惡其

害已也乃投其石於井中宋侯欲去狹隘且厭與細民

爭校故移之于此此故葆真庵宋侯易民田恢闢爾何

若仍置諸岸下為實錄近理也縣學訓導趙文傑詩城南步百路西村四五常

開小洞門綠野有名亭已沒荒碑少字石猶存經霜柏老乾坤影遶帶河流今古痕仰止橫渠尋未得日中立馬到黃昏正德王申翰林院修撰高陵呂柟於綠野書院謁橫渠先生祠堂詩二月入武功載謁橫渠祠春橋

武功縣志

卷之一

八

雜芳潤好鳥鳴天枝綠野終南翠含情實在茲昂求會夙夜人亡道未涯徹畢下程氏執禮西仲尼表時脫支憂訂頑那有私瞻依真氣象無復夢中疑茲那有君子跡殊路不岐豪邁存餘烈高懷有我知鵬飛要扶搖鯤化自天池斯文應不斬白日今見之

岸高也

草應物宅應物長安人漁陽兵亂後流落失職始更折

節讀書屏居于武功然莫知何里其經武功舊宅詩云

茲邑昔所遊嘉會常在日歷載俄二九始往今來復感感居人少茫茫野田綠風雨經舊墟毀垣迷往躡門臨川流駛樹有羈離宿多累因悲往長年覺時速欲去中復留徘徊結心曲

美原墓舊志云在上南門外南去三百六十步又西四

十步有三坎墓在坎上與東原梅家庄直

隋煬帝墓在縣西原武德五年八月辛亥唐高祖葬帝于此

按煬帝本紀將軍陳叔堪葬帝於吳公臺下唐平江南之後改葬雷塘唐高祖本紀武德五年八月辛亥葬隋煬帝唐地理志武功西原殤帝所葬殤帝無考煬殤字相似易訛

蘇武墓在縣北

蘇許公墓在縣西博村其神道碑在新寨西道南

石墨鐫華碑隸書刻蝕過半書法猶存漢魏遺意金石略云盧藏用書而金石錄云藏用撰書文苑英華藏用撰序張說撰銘

游師雄墓在縣西北八里碑為耕者沒之地華表存焉

武功縣志

卷之一

九

按歷代石刻師雄墓志邵巖書石墨鐫華云志張舜民撰

東漢地理志曰秦在漆縣其民有會日中以相與夜中

市如不為則有災咎故志曰風俗剛勁不事華侈務學

力農有古人之風漢志亦曰好稼穡務本業有先王遺

風然風俗與時推移繫諸習尚自予所聞見今已數變

矣其可以定論哉成化時人重使氣不肯順理豪桀者

至於把持治吏鄉人皆相推畏高之或至武斷於鄉今

即有冤者不敢正目下吏矣弘治時習侈善饗無豐儉

之節日日擊鼓聚會靡有厭飫少年得分銀尺布則弗計蔬饌置酒彈絃不避長老時節遊衍男女率治容祓服佔佔自見或又好爽快為賢多言習禮送死奢靡擬諸王侯婿奠婦翁至於傾產蓋承平之久法制明白貪官污吏毋所肆意百姓富庶靡有他慮要之天下皆然不獨此也今或不能供賦役葺田廬矣然人事日趨諸簡約斯亦反古之漸也

扶輿襍同俗作妖佔店平聲佔佔輕薄也

建置志第一

武功縣志

卷之一

十

縣署在城西北北抵城西抵后稷廟下原麓東抵文廟

洪武初知縣祀重建倉二俱在署內原麓下草場一在

城隍廟西圍一百八步唐有柳子厚縣丞廳壁記殷頌曰邦

制千里之內曰甸服穀梁謂之寰內諸侯為王內臣其制甚重今京兆府理京師部二十有三縣幅員之廣其猶古也縣吏之長曰令丞丞之位正八品下蓋丞述六職以輔其令也秦漢有丞相今尚書有左右丞御史中丞至于九卿之列亦皆有丞下以達天下之縣政有大小其旨同也武功為內大縣按其圖古后稷封有部之地秦作四十一縣部美陽武功各異至是合焉蓋嘗為稷州已而復縣其土疆沃美高厚有邱陵墳衍之大其植物豐暢茂遂有秬秠藿菽之宜其人善樹藝其俗有禮讓宜乎其大雅之遺烈焉貞元之十五年改邑于南里既成新城凡官署舊記壁壞文逸而未克繼之者後三年而頴川陳南仲居是官邑人宜之號為簡靖

武功縣志

卷之一

十一

徹所建手詔亭也堂皇在後規摹簡約乃藍谿呂義山所新正寢也淮陽錢秉創口鑿堂大梁李宗作清心堂河南趙茂曾增修錢庫及居養院陽翟孟通廣闢庖舍內外完葺煥然一新唯令廳湫隘故陋始不堪處驗其故記實天聖中不新舍此而不事不惟有愧於前人曰不廢不與不中不新舍此而不事不惟有愧於前人詔出令承流宣化之所臨制劇邑絡繹兩川喉襟數路正當四達之衝亦必有以稱矣於是慮材鳩備徹去棟榑梁桷之折撓與夫蓋瓦級磚之缺者躬自經營悅使有術人不至為勞勞增廣制度壯偉闕人不自以為既成後會資寮落之是日也黃童白叟聞溢庭下瞻仰咨嗟始知公府之嚴令尹之尊也如是嗚呼當是職者必有以處是廳也處是廳者必有以任是責也侯之祖坦踐歷中外為時聞人嘗受知於仁廟有醇儒循吏之稱所賜飛白宸翰至今寶之侯念德不怠果能任責以字民望真可謂善世其家者也則斯文之作豈特記新廳之歲月揚厲侯之盛美又得發明名邑之因以召後

因其族子存持地圖以來謁余為記夫以武功疆理之大人徒之多而陳生以簡輔其理斯固難矣漢高帝嘗詔天下凡以戰得爵七大夫公乘以上令丞與抗禮故為吏益難今天子崇念武功與漢初相類分禁旅以守縣道武功為多陳生為丞於是而職盜分禁旅以賊其為理無敗事吾庸可以度哉為之記云宋有游靖重修縣廳碑大觀四年夏六月汝陽劉侯幹以承事郎勤以身任責案牒決訟獄事無巨細靡不究心明年改元政和治行稍著士樂教養農勤田畝強悍者屏息良善者安處老有養疾有醫官無調發民無積逋闔境歡戴政益閒暇一日侯謂同僚曰有官守者常樂因循而憚改作事漏弗填忽傾弗支期以代去自為得計其或好遊觀務將迎起臺榭陂池之役倚勢作威因緣為奸至於公宇之微往往引嫌而不加意是誠何心哉及其屋壞垣頽倉皇失措又負僣植疲民蠹財不可勝計如是則公府奚賴于待罪於此既喜民之易治又喜前人之用心願瞻庭宇華屋在前金碧輝映乃開封高士

人故係之以詞其詞曰太白嶢嶢作鎮坤靈武功山連
亘古長青堯封后稷周賜秦嬴作邑於此因山命名漢
自渭南徙古郿城宇文造周易治中亭中亭之川原際
砥平唐為稷州作輔陪京復隸天府邑是以寧鳳兩西
拱武水南傾人尚禮遜俗務農耕神堯誕聖壤題騰聲
姚合發詠柳子詳評我侯臨蒞訟簡刑清民無調發兵
無戰征匪植其私匪僥其榮克紹祖德允協民情恢廣
制度新于其廳廳非侈己乃尊朝廷吏振其職民樂其
成載瞻載仰政治惟馨
敢告來者無忘經營

儒學在縣署東北抵城東西皆抵民廬而獨堂西七丈
許抵北街洪武初知縣祀建正統時知縣俊重修宋有

縣令趙茂會碑士志於道者常患乎不得遂其學得遂
其學常患乎不得信其志遂其學矣
時能信之則君子以為榮遇焉此武功縣學之興而鏞
序之所以作也建中靖國元年夏四月知京兆府孫公

武功縣志

卷之一

七

覽奏以壽春縣令趙茂會知武功事秋八月公去崇寧
元年春三月茂會始來是秋貢士府十四縣懸格所取
武功居多皆嘆息其遺者九眾既冬邑人相謂曰載盜
賊撫良善政令之所在也孝弟孀睦以考其行絃誦講
習以和其心性命道德以進其學實士人之所望焉乃
謀葺孔子廟聚生徒而淺陋不可居十二月有詔建州
學縣學養士之法同僚相語以州縣吏雖尊賤有次其
申明孝弟孰後先邪茂會瞿然以興曰疇敢不祇若王
之休命明年春訪隙地稟於府願易廟西樓店基為學
舍知府事虞公策從之微木於淫祠經費于計臺轉運
副使許公天啓可所請即日給官錢五十四萬資其用
度於是築新基南向為麗澤堂左右前廡瑛布八齋各
之以道德皆新作也其東宣聖殿小學職掌之位庖廚
祭器隸者所直舊舍足焉補缺益卑與新允稱總五十
楹基長二十有五尋廣十有二尋餘六尺經始於二月
乙丑落成於三月癸巳鳴呼學校為事必興於聖人極
盛之時三代可監也蓋備所養以期所用今吾君待天
下之士厚矣天下之士宜思所以副之茂會何人獲宣

聖化且得効犬馬之力於其間為遇為榮罔可言計謹
拜稽首敘事勒銘著之金石以告學者銘曰夏后庠序
商邦誓宗周王頌宮申之孝弟漸摩仁義名殊迹同明
明我主超三邁五人材是隆民有辨則好是懿德合由
以容家黨術國塾庠序學慨然率崇遞升次舉匪私是
與允期於公咨爾有眾學以致用勿尸厥中人孝出弟
居仁由義敏則有功以副據碑則今之縣署乃學不知
盛時允能庶幾三代之風

治事者姑且居之乃其後竟因而不返與正德八年知
縣劉紹重建明倫堂十三年御史張文明行縣以廟學

頽敝命知縣昌修理更以渭源度頭抽分益之昌憂去
明年御史張欽行縣見其益敝乃與守巡參政畢昭副

武功縣志

卷之一

七

使楊鳳謀通借咸陽行棧抽稅屬同知趙錦監抽會都
御史鄭陽檄至嘉啟厥工提學副使何景明知府劉祥
又通責諸知縣瑋茲方集工舉事未已云倉一在堂西

南

稅課局正德二年罷

郃城驛在城東南洪武初知縣祀建驛倉即堂左右廂

驛草場在驛東南城隅

長寧驛在縣東四十五里俗曰東扶風鎮軍站也成化

中移置清水石嘴

按對山集驛改置清水
而其卒徒皆徙自扶風

陰陽學在縣門外今廢為縣獄

醫局在大十字東舊有地三間今存其半俱知縣祀所

建

僧會司在報本寺

道會司在鴻禧觀

申明亭在縣門外與旌善亭同處舊志言遊鳳有古旌

善亭又有古倉在社學之西

諸行署布政司在宣化街按察司在縣署西東面府署

武功縣志

卷之一

古

在縣南北面長寧分司即古長寧驛也倣則與興平縣

合力修之禮部侍郎河東薛文清公捐過武功書按察

紅渭河水遠波聲小太白山高樹影重遺址已無慈德

寺居人僧說有禁封東行無限前朝事盡在黃塵綠野

中郡御史柳陽曹璉次韻后履封榮萬世功登臨偏感

夕陽紅風生武水波千尺雲鎖香山樹幾重唐宅基煙

青草合許公碑古碧苔封行人欲問當年事都在漁樵

晚笛中待郎南陽張周幹次韻南有名山號武功渭河

水浸曉霞紅煙迷隋塚高千尺雲鎖山封厚幾重比屋

詩書多巨室滿城桃李總花封太宗唐主會生此猶說

遺踪在寺中都御史潘安方漢次韻誰向茲原破聖功

周人王業伴殘紅猶瞻王氣千年迴誰道名山萬里重

慶善有宮留佛住姜嫄無廟任雲封連城舊跡知多少

都入荆榛瓦礫中知縣宋學通次韻公暇循行遍武功

遺跡猶存
上閣中

諸急遞鋪總鋪在府衙西迤東三鋪抵興平日韓店可

會長寧迤東北一鋪抵乾州日董晁

諸社學舊惟儒學西有故稅課局址爾弘治癸丑知縣

學通以提學條約則里置一學又遴選其子弟可教者

里設一師已乃時督率之學各有所在得詳之有興

復者庶幾因而求焉在城里即儒學西者坊廂里在布

鳳里在遊鳳集奉安里在奉安村韓店里在可會鋪西

馬午里在故長寧驛西與城里在焦上村顯義里在燒

香臺渭源里在東渭源村會同里在鄭村永豐里在張

武功縣志

卷之一

圭

村照

演武教場在東郭門北外

養濟院在郃城驛西

漏澤園在東郭門南外

市集在縣方內者二而縣不論最大者長寧集月無間

日遊鳳集普濟集以日相遞而已

祠祀志第三

文廟在縣署東宋知武功趙茂會建元世祖十五年至

元戊寅縣令王君營復之尋擢行臺掾去長安杜淵繼

為令力成其役宋有大觀聖作之碑天下皆有刻茲不
載元有李願碑洪武初知縣祀更建正統中知縣俊加
葺治焉有訓導曲新碑二碑文辭鄙冗俱不載

社稷壇在北郭門外

風雲雷雨壇在南郭門外

厲壇在小北門外

城隍廟在東門內成化時知縣璩重修正德初知縣鍾

仁嗣修焉

姜原廟長安志在城外西南原麓間傍有后稷廟今俱

武功縣志

卷之一

去

亡矣今后稷祠在城內西上故寶意寺址也弘治丙辰

知縣學通改建祠後又作姜原祠修撰呂耕登謁后稷

穀廣炎皇苴茅當茲土種德無疆有口咸食力罔極
齊穹蒼二月武功曲鳴柳半黃星言拜古祠陟山雲
中翔煙川睇春縣覽極獨慘愴風塵翳寰宇
廬黎裂子腸緬惟躬稼澤誰可使均穰

唐高祖祠在鳳岡之巔前則太白行祠也太白蓋封內

故山漢永平八年建祠于此洪武丙辰都督耿忠以縣

有高祖故宅故祠高祖于太白廟堂之後而別自為太

白祠記洪武九年春予欽承上命領兵來成陝右操練
屯出以爲邊備東自臨潼櫟陽高陵涇陽三原
醴泉興平乾州武功西抵鳳翔岐山扶風南至郿縣盩
厓等處悉致屯所農作既興厄於亢陽糧未得下遠近

咸以爲憂詢諸故老皆曰西南太白乃本邑之名山上

有秋池歲早則奉迎是水每禱輒應粵以四月中旬擇

日齋戒躬親致祝辭遣僧贊用等齋香帛祝文詣山頂投

辭請水既至率官僚吏卒暨郡民數百千人備鼓吹郊

迎展祭于武功太白之神祠是夕大雨霽三日乃止

武功縣志

卷之一

七

見嗚呼人敬神而獲福神依人而廟享人以誠感神神
以靈佑國此幽明自然之理也今以神前後靈感顯應
之跡直書刻石置於廟壁庶唐有李白登太白峰杜甫
使後之觀者亦知所崇敬云

喜達行在所詩因并附之李白詩西上太白峰夕陽窮
關願承冷風去直出浮雲間舉手可近月前行若無山
一別武功去何時復見還杜甫詩西憶岐陽信無人遂
卻迴眼穿當落日心死著寒灰霧樹行相引蓮峰望或
開所親驚老瘦辛苦賊中來其二愁思胡笳夕淒涼漢
苑春生還今日事問道時人司隸章初觀南陽氣已
新喜心翻倒極嗚咽淚沾巾其二死生憑報歸來始
自憐猶瞻太白雪喜遇武功天影靜千官
真心蘇七校前今朝漢社稷新數中興年

唐太宗祠在北郭內鴻禧觀三清殿後宋元祐戊辰直

龍圖閣游師雄建有趙茂會碑粵有大寶聖人守焉上
推軒義傳記罔悉道德

龍圖閣游師雄建有趙茂會碑粵有大寶聖人守焉上
推軒義傳記罔悉道德

龍圖閣游師雄建有趙茂會碑粵有大寶聖人守焉上
推軒義傳記罔悉道德

龍圖閣游師雄建有趙茂會碑粵有大寶聖人守焉上
推軒義傳記罔悉道德

龍圖閣游師雄建有趙茂會碑粵有大寶聖人守焉上
推軒義傳記罔悉道德

龍圖閣游師雄建有趙茂會碑粵有大寶聖人守焉上
推軒義傳記罔悉道德

龍圖閣游師雄建有趙茂會碑粵有大寶聖人守焉上
推軒義傳記罔悉道德

龍圖閣游師雄建有趙茂會碑粵有大寶聖人守焉上
推軒義傳記罔悉道德

龍圖閣游師雄建有趙茂會碑粵有大寶聖人守焉上
推軒義傳記罔悉道德

龍圖閣游師雄建有趙茂會碑粵有大寶聖人守焉上
推軒義傳記罔悉道德